

Ek Bholi-bhaali Gaanv Ki Raani Lyrics - Gaon Ki Rani :

Singer - [Hemant Kumar](#)

Lyricist -

Music -

Music Label -

Ek bholi-bhaali gaanv ki raani
Jisaki kahaani
Aayo sunaayein
Suno
Pake dhaan ka khet khada
Balakha kha ke laharaaye
Odh chunariya hariyaali ki
Dharati hai muskaaye
Wahaan bani ek sundar kutiya
Mahalon ko sharmaaye
Usmein rahati ek matawaali
Sundar raani
Jisaki kahaani
Aayo sunaayein
Suno
Kutiya hi sab kuchh hai usaki
Kutiya hi sab kuchh hai wo
Aate-jaate raahi paate
Age badhane ki himmat ko
Gaanv ki raani piya ke path mein
Baithi bichhaaye aankhon ko
Saanjh dip ne mila diye
Aur dekh raha is madhur-milan ko
Aisi gaanv ki raani
Jisaki kahaani
Aayo sunaayein
Suno
Nind pari ke jaadu ne jab
Luta diye sapane anamol
Lagi luutane saari duniya
Apni man-masti mein dol
Par haay vidhaata ruup badal kar
Gaanv ke aangan aayi
Bholi-bhaali mukhada dekh
Apne aap se woh sharamaayi
Jo kuchh karana tha karana
Aur chilla uthi jaag ke duniya
Kaal par gaya kaal
Kaal par gaya kaal
Daakan-jogan aayi pishaachan
Chhaayi ghataayein kaali-kaali re
Maut ke saaz pe pralay raagini
Baaj rahi matawaali re
Mila kaag mein gaanv salona
Gam ne manaayi diwaali re
Shaanti gayi sukh-chain gaya
Sone se bhara sa wo khet gaya
Daakan-jogan aayi pishaachan
Chhaayi ghataayein kaali-kaali re
Kahaan gayi wo saanjh suhaani
Kahaan paxion ka gaana
Kahaan gaya wo madhur-milan
Aur kahaan kushi se bhara zamaana
Kyuun uge ho ab chaand salone
Kya lene ab aaye sitaare
Chale gaye wo chhod ke duniya
Jinako the tum bade hi pyaare
Har gaanv ki tuuti diwarein
Kahati hain aaj kahaani
Meri god mein bani samaadhi
Kitani kutiya kitani raani